

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj:01-04-259/20-6

Datum: 24.03.2020. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 43. Statuta Općine Banovići (Službeni glasnik općine Banovići broj 2/20) i Preporuke Komisije za javnu nabavku, broj: 01-04-259/20-5 od 23.03.2020. godine u postupku javne nabavke radova „Izvođenje radova na izgradnji distribucionog vodovoda pitke vode Stražbenica-Poslovna zona Sadnice“, Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javne nabavke broj: 01-04-259/20-5 od 23.03.2020. godine i Ugovor za javnu nabavku radova „Izvođenje radova na izgradnji distribucionog vodovoda pitke vode Stražbenica-Poslovna zona Sadnice“ dodjeljuje se ponuđaču „IGM-IUT HASKIĆ“ d.o.o. Vitez, sa sjedištem u ulici Počulica b.b. 72250 Vitez, ponuda broj: **07-03-1/2020**, za ponuđenu cijenu nakon e-aukcije od 106.888,00 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci radova dostavit će se na potpis izabranom ponuđaču „IGM-IUT HASKIĆ“ d.o.o. Vitez, sa sjedištem u ulici Počulica b.b. 72250 Vitez, u roku od 10 dana, računajući od dana kada su svi ponuđači obavješteni o izboru najpovoljnije ponude.

Član 3.

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik Bosne i Hercegovine“, broj 39/14).

Obrazloženje

Odlukom o pokretanju postupka javne nabavke radova broj: 01-04-259/20 od 10.02.2020. godine donesenom od strane ovog organa pokrenut je postupak javne nabavke radova „Izvođenje radova na izgradnji distribucionog vodovoda pitke vode Stražbenica-Poslovna zona Sadnice“. Predmetna javna nabavka predviđena je Planom javnih nabavki općine Banovići za 2020. godinu, broj: 01-04-81/20 od 24.01.2020. godine pod stavkom 88.

Javna nabavka radova sprovedena je otvorenim postupkom javne nabavke.

Procijenjena vrijednost javne nabavke bez PDV-a je 112.000,00 KM. Obavještenje o nabavci broj:1220-1-3-14-3-14/20 od 14.02.2020. godine, objavljeno je na Portalu javnih nabavki.

Tenderska dokumentacija objavljena je na Portalu javnih nabavki.

Komisija za javne nabavke imenovana rješenjem broj: 01-04-68/20 od 22.01.2020. godine i broj: 01-04-135/20 od 03.02.2020. godine, ovom organu dostavila je dana 23.03.2020. godine Zapisnik o pregledu i ocjeni ponuda broj: 01-04-259/20-1 od 18.03.2020.godine, Zapisnik o pregledu i ocjeni ponuda (nastavak pregleda i ocjene ponuda od 18.03.2020. godine) broj: 01-04-259/20-3 od 20.03.2020.godine Zapisnik o rangiranju prihvatljivih ponuda nakon e-aukcije broj: 01-04-259/20-4 od 23.03.2020. godine i Preporuku o izboru najpovoljnijeg ponuđača broj: 01-04-259/20-5 od 23.03.2020. godine u postupku javne nabavke radova „Izvođenje radova na izgradnji distribucionog vodovoda pitke vode **Stražbenica-Poslovna zona Sadnice**“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 5 (pet) i to:

1. „TED INVEST“ d.o.o. Sarajevo, sa sjedištem u J. Vancaša br. 10. 71000 Sarajevo (datum predaje ponude 09.03.2020. godine; vrijeme predaje ponude 14:20 h),
2. „DŽEVKOMERC INŽINJERING“ d.o.o. Zavidovići, sa sjedištem u ulici Dubravački put bb 72200 Zavidovići (datum predaje ponude 10.03.2020. godine; vrijeme predaje ponude 07:30 h),
3. „IGM-IUT HASKIĆ“ d.o.o. Vitez, sa sjedištem u ulici Počulica bb 72250 Vitez (datum predaje ponude 10.03.2020. godine; vrijeme predaje ponude 10:10 h),
4. „GRADNJA 1“ d.o.o. Tešanj, sa sjedištem u ulici Rosulje bb – Jelah 74264 Tešanj (datum predaje ponude 10.03.2020. godine; vrijeme predaje ponude 10:19 h),
5. „GPP BANOVIĆI“ d.o.o. Banovići, sa sjedištem u ulici Armije BiH br.36. 75290 Banovići (datum predaje ponude 10.03.2020. godine; vrijeme predaje ponude 11:35 h),

- da je blagovremeno zaprimljeno 5 (pet) ponuda,

- da nema neblagovremenih ponuda,

- da su ponude ponuđača „DŽEVKOMERC INŽINJERING“ d.o.o. Zavidovići, IGM-IUT HASKIĆ“ d.o.o. Vitez, „GRADNJA 1“ d.o.o. Tešanj i „GPP BANOVIĆI“ d.o.o. Banovići, ocijenjene prihvatljivim,

-da je ponuda ponuđača „TED INVEST“ d.o.o. Sarajevo, odbačena kao **neprihvatljiva**, iz slijedećih razloga:

„TED INVEST“ d.o.o. Sarajevo;

Ponuđač „TED INVEST“d.o.o. Sarajevo u svojoj ponudi je pored drugih obaveznih dijelova i priloga propisanih tenderskom dokumentacijom, dostavio i Spisak izvršenih ugovora (aneks 4), stim da je u istom (spisak izvršenih ugovora) unešen-naveden samo jedan ugovor i to: Ugovor „rekonstrukcija dijelova magistralnog cjevovoda od izvorišta Bježanija do račve 1001 noć. Takođe je uz navedeni spisak izvršenih ugovora (Aneka 4) dostavio ovjerenu potvrdu o dobrom izvršenju navedenog ugovora iz spiskara izdatu od strane javnog Komunalnog preduzeća „Šćona“ d.o.o. Fojnica kao kako je navedeno naručioca radova.

U Tenderskoj dokumentaciji predmetne nabavke tačkom 13. b. Tehnička i profesionalna sposobnost je navedeno da se traži: Spisak izvršenih ugovora (dva ugovora) koji su u vezi s predmetnom nabavkom (radovi iz oblasti vodoprivrede-vodoprivredni objekti, za posljednjih pet godina ili od datuma registracije, odnosno početka poslovanja, ako je ponuđač registriran, odnosno počeo s radom prije manje od pet godina, da zbirna vrijednost izvršenih ugovora sa spiska (bez PDV-a) ne može biti manja od 70% procijenjene vrijednosti javne nabavke, te da je ponuđač dužan dostaviti potvrdu/potvrde druge ugovorne strane o uredno izvršenim ugovorima.

Kako ponuđač „TED INVEST“d.o.o. Sarajevo nije dostavio uredno popunjen spisak izvršenih ugovora (Aneka 4) odnosno popunjen sa samo jednim ugovorom i kako je dostavio samo jednu potvrdu o uredno izvršenom ugovoru, a da je tenderskom dokumentacijom traženo dva ugovora sa odgovarajućim potvrđama o urednom izvršenju, vodeći se principom jednakog postupanja prema svim na osnovu člana 57. stav 1., člana 68. stav 1. i člana 68. stav 4. tačka i), Zakona o javnim nabavkama, Ugovorni organ ponudu ponuđača „TED INVEST“d.o.o. Sarajevo odbacuje kao nepotpunu i time neprihvatljivu, jer ne ispunjava zahtjeve iz Tenderske dokumentacije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz Tenderske dokumentacije.

Kako je u predmetnoj javnoj nabavci predviđena primjena e-aukcije ista je održana 23.03.2020. godine.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena nakon završene e-aukcije u iznosu od 106.888,00 KM bez PDV-a.

Iz navedenih razloga, primjenom člana 64. stav 1. tačka b. a u vezi sa članom 69. stav 1. tačka a. Zakona o javnim nabavkama, te članom 9. stav 2. Pravilnika o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

DOSTAVITI:

1x Svim ponuđačimakoji su učeštvovali u postupku JN
1x U spis



OPĆINSKI NAČELNIK

Midhat Husić